

**Programma Quo Rector Universitatis Rostochiensis Nicolaus Schütze/ I.U.D. & Codicis Professor, Ad Exequias Quas ... Viro Dn. Henrico, Krauthofio, I.U.D. ... Moestissima Vidua, hodie ... paratas cupit, Omnes omnium ordinum Cives Academicos sedulo invitat**

Rostochii: Kilius, 1641

<http://purl.uni-rostock.de/rosdok/ppn771910142>


Druck Freier  Zugang




Schütze, N.  
in  
**H. Krauthof.**

Rostock, 1641.

20







PROGRAMMA

QUO

RECTOR

Universitatis Rostochiensis

NICOLAUS Schütze /

J. U. D. & Codicis Professor,

AD EXEQUIAS

QVAS

CLARISSIMO ET CONSULTIS-

SIMO VIRO

DN. HENRICO

KRAVTHOFIO,

J. U. D. & Practico celeberrimo Ju-

dicij; provincialis in hac nostra Mega-

poli assessori dignissimo,

Mœstissima Vidua, hodie hora prima

in templo Mariano paratas cupit,

omnium ordinum Cives Academicos

sedulo invat.



XXXXXXXXXXXXXXXXXXXXXXXXXXXX

ROSTOCHII,

Lithis NICOLAI KILII, Acad. Typogr.

Anno M. DC. XLI.

20



Senectutem optabilem esse omnium hominum, cujuscunq; tandem ordinis & conditionis illi sint, vota ac desideria testantur. Admiratione tamen dignum est, quod plurimi eam adepti vituperant & tantum non convitiis proscindunt, Qui in ætate meliori, ut vulgo putatur, formosus erat, senectutem adeptus deformitatem suam deplorat. Hinc illud cujusdam,

*Τὸ πρὸν ἐὼν κάλλιστος, ἐπὴν ὄψαμείψεται ὄρη,  
ἔτε πατρὸς παισὶν ἴμιθ', ἔτε φίλθ'.*

Alius de morbis querelam texit, quorum expers antehac fuerit. Hinc illud

*φεῦ φεῦ. Τὸ γῆρας ὡς ἔχει πλῆθὺς νόσους!*

Alius mortis horret viciniam: Alius neglectum, contemptum ac derisum juvenilis lascivix ac petulantix non sine magna ægritudine & animi molestia accipit, siliernii, decrepiti, defloccati, Orci pabuli, & similium Encomiorum impatientis; Alius naturam accusat, quod vino similem eam fecerit, quod accescit, ubi parum superest; Alius βαρὺν κακῶν, malorum aram, quo illa confugiant; Et quis tandem finis est, vel modus dictorum? Ex adverso autem non desunt, licet pauci-

31  
pauciores, qui culpam conferunt, non in rem, id est, ipsam ætatem, sed in homines ætatem non beneferentes; quo ex numero sunt, qui in sacris literis memorantur, vel nullas, vel admodum leves de ea querelas edidisse: quorum illa quoque communis erat cum aliis opinio, quod senex ea causa beatus dici non debeat, quia senex & vivendo defessus tandem moriatur, sed quod in eorum numerum recipiatur beatè moriens, quorum in numero fuerat, beatè vivens. Nec igitur convitiis exceperunt eam advenientem, nec ægre tulerunt præsentem, sed ὑπὸ κολίκοις blandiori nomine salutarunt, quæ durius ab aliis accepta fuit. Hinc nescio quis vigentem ætatem veri comparabat; declinantem ætati & autumnno; senectam vero hyemi. Alius itidem interrogatus, quid ageret, Per otium sese mori, respondebat; ægrè enim, utpote senex, incedebat. Hinc etiam laudes eorum ducuntur, qui sapienter & moderatè hanc ætatem tulerunt, hodieque ferunt.

ἐκ ἐστὶ γῆρας τῶν σοφῶν, ἐν οἷς ὁ νῆς

θεῖα ζῶεισιν ἡμέρα περαμίδι.

Ac de Agefilao

Xenophon prædicat, quod senectus ejus, qualibet juventute præstantior fuerit. Nec sane id mirandū in eo, qui juvenis rectam institutionem studiose sectatus fuerit, & bonas disciplinas probe perceperit, morumque exercitia sedulo obierit. Ita de-

N 2

mum



30  
mum in senectute nativis animi sui motibus uti, & secundum naturam vivere poterat, cum absq; dolore privationem voluptatum juvenilium ferret, nec ob senilem corporis imbecillitatē ullam tristitiam admitteret, nec ab aliis contemni se vel à familiaribus quoq; & amicis negligi miserum putaret, ut qui adversus hæc omnia optimum in animo suo remedium bene præparatum in promptu haberet. Exstant integri Catalogi eorum, qui hac arte onus illud Ætna gravius, ut quibusdam videtur, leviter tulerunt, & fervorem illum adolescentiæ perturbatorum, voluptatisq; juvenilis impotentem dominatum animis libenter excusserunt, ut sine errore & impedimento μετ' εὐφροσύνης ad ἀθανασία, etiam ex Philosophi admonitione pervenirent. Hunc in catalogum referemus hodie Virum Amplissimum, Clarissimum & Consultissimum, Dn. HENRICUM KRAUTHOFIUM, Juris cons. & practicum eximium, Judiciq; provincialis in hac nostra Megapoli assessorem dignissimum, cui hanc operam damus. Is natus est Neobrandeburgi Megapolitanorum Anno 1577. die 5. Februarij, ex parentibus honestis & primariis. Patrem is nactus est Virum Amplissimum & Prudentissimum Dn. JACOBUM KRAUTHOFF, consulem quondam Reipubl. Neobrandebur-

39  
deburgensis: Matrem, eximia virtute matronam  
REGINAM Heins. Avus ei paternus fuit FRI-  
DERICUS Krauthoff/Capitaneus quondam ar-  
cis Loitzenfis in Pomerania, & Reipubl. Brande-  
burgensis Senator, cui uxor ex nobili familia ducta  
est, URSULA Glinefen / ex Patre Nobilissimo  
Viro JACOBO Glinefe/ Conf. Neobrandebur-  
gensi, & matre Nobilissima ANNA von Gulen/  
nata, Proavus WARNERUS Krauthoff/Bux-  
tehudæ domicilium habuit, cujus uxor piè defun-  
cti proavia fuit METTA Bandexen/ ex familia  
itidem nobili. Maternusei avus fuit Dn. JACO-  
BUS Hein Consul Reipubl. Neobrandenburg, am-  
plissimus, ex HEINO HEINIO & CATHA-  
RINA Haterß conjugibus legitime natus. Ex  
familia tam antiqua & honesta hic noster ortus est,  
qui, ut majorum virtute non indignum posterum,  
se præberet, summis viribus operam semper dedit.  
Etenim quam primum ad ætatem institutionis li-  
terariæ capacem pervenit, in ludum est missus lite-  
rarium patriæ, in quo usq; ad annum ætatis 18. assi-  
duus fuit: Inde præceptorem nactus est Gustrovii  
M. CHRISTIANUM Dorneman/ cujus tum  
in pueritia formanda felix & celebris erat indu-  
stria, eiq; biennio operam dedit, quo elapso paren-  
tum consilio Francofurtum ad Oderam profectus  
N 3 est,

est, & isto quoq; biennio studiis Academicis adsuevit. Ex Francofurtensi ad Witebergensem Academiam perrexit, ac toto ibi quadriennio studio Juris gnauiter incubuit. Postremo Ihenensem omnino sibi adeundam putavit, ubi cum biennium etiam studio Juris dedisset, Anno 1606, summos in Utroq; Jure honores merito suo inpetrauit. Hac laurea Doctorali ornatus in Patriam reversus est, & matri viduæ præcipuo solatio fuit. Verum divina, eum providentia huc tandem adduxit & integro biennio commoranti de domo & matrimonio prospexit, cum lectissimam Virginem EMERENTIAM Viri Ampliss. D. BARTHOLDI KICHLERI J. U. D. & Consilarii Megapolitani filiam sibi uxorem optaret ac inpetraret Anno 1608. Felix omnino fuit illud conjugium, florens opibus, animorum concordia, liberorum proventu totis 33. annis, nisi quod REGINA, FRIDERICUS, EMERENTIA & HENRICUS ante patrem ex hac vita decesserunt, sola MARGARETA, quarto loco nata, superest, & ut diu sit, matri solatiū ex animo DEUM precamur. Anno 1634. Mense Octobri in Consiliarium Megapolit. & Assessorem judicij electus & confirmatus est; Cui officio, ut & aliis præfuit sedulo, fideliter, assiduè. In senectutis limine  
con-

constitutus, quicquid ea molestia attulit, generose accepit, & sine querela fortiter tulit, donec tandem die 17. Septembr. Anno proximè elapso hemiplegia invadens eum lecto affixit, & scorbutus inde ingravescens tandem superavit proximo die 9. Januar. hoc anno, cum hora 8. pio, placido & beato sine hanc vitam clauderet ac in æternâ feliciter commigraret. Quam sedulus pietatis cultor fuerit omnes noverunt ac testantur, qui virum noverunt. In sacris conventibus raro nec nisi cogente necessitate desideratus, est. Uxorem *Φιλανδρον* mutuo, qui cultu optimus est, amore fuit prosecutus. Liberos in pietate & honestate educavit, familiam elementer & moderatè rexit, atque ita officium Viri, Patris, heri summa tranquillitate functus est. Periculosus esse perhibetur illa ex 9. & 7. in se ductis numeris ortus tertius & sexagesimus, à gradatione climactericus ductus. Sed hunc ille scopulum superavit immunis & sine naufragio: Qui hunc secutus est proximus, fatalis ei fuit: quamvis quid fatalem dicimus, omnes anni, dies & horæ climactericæ vel hunc vel illum fati extremis lineis admonent. Uxor vidua, & filia relicta quin præcipuo in moerore hanc ob causam versentur, dubium nullum est. Deus tutor viduarum & Pater orphanorum Spiritus sancti efficacem

cem gratiam & consolationem illis adspirabit, No-  
strum quoq; erit, Cives Academici, conferre, quod  
possumus ac debemus, frequentem videlicet præ-  
sentiã, qua funus eximii viri prosequamur: Idque  
ut mecum non rogati faciatis, omnes & singulosex  
officio hortor & moneo. P. P. Rostochij sub


sigillo Reſtoratus, 14. Januarij

Anno 1641.

Conventus fiet hodie hora prima in  
templo Mariano.














deburgensis: Matrem, eximia virtute  
REGINAM Heins. Avus ei paternus  
DERICUS Krauthoff/Capitaneus  
cis Loitzensis in Pomerania, & Reip  
burgensis Senator, cui uxor ex nobili  
est, URSULA Glineken / ex Patre  
Viro JACOBO Glineke / Conf. Ne  
geni, & matre Nobilissima ANNA  
nata, Proavus WARNERUS Kra  
tehudæ domicilium habuit, cujus uxor  
eti proavia fuit METTA Bandere  
itidem nobili, Maternus ei avus fuit  
BUS Hein Consul Reipubl. Neobra  
plissimus, ex HEINO HEINIO  
RINA Haters conjugibus legitimis  
familia tam antiqua & honesta hic no  
qui, ut majorum virtute non indignu  
se præberet, summis viribus operam  
Etenim quam primum ad ætatem in  
terariæ capacitatem pervenit, in ludum  
rarium patriæ, in quo usq; ad annu  
duus fuit: Inde præceptorem nactus  
M. CHRISTIANUM Dornema  
in pueritia formanda felix & celeb  
stria, eiq; biennio operam dedit, quo  
tum consilio Francofurtum ad Oder

N 3

